

"Жоғары білім берудің кәсіптік оқу бағдарламаларын іске асыратын Қазақстан Республикасы Ішкі істер министрлігінің білім беру ұйымдарына оқуға қабылдау ережесін бекіту туралы" Қазақстан Республикасы Ішкі істер Министрінің 2011 жылғы 26 сәуірдегі № 186 бұйрығына өзгерістер мен толықтырулар енгізу туралы

Күшін жойған

Қазақстан Республикасы Ішкі істер министрінің 2015 жылғы 12 наурыздағы № 211 бұйрығы. Қазақстан Республикасының Әділет министрлігінде 2015 жылы 23 сәуірде № 10793 тіркелді. Күші жойылды - Қазақстан Республикасы Ішкі істер министрінің 2016 жылғы 26 қаңтардағы № 77 бұйрығымен

Ескерту. Күші жойылды - ҚР Ішкі істер министрінің 26.01.2016 № 77 (алғашқы ресми жарияланған күнінен кейін күнтізбелік он күн өткеннен соң қолданысқа енгізіледі) бұйрығымен.

«Құқық қорғау қызметі туралы» Қазақстан Республикасының 2011 жылғы 6 қаңтардағы Заңы 9-бабының 1-тармағына сәйкес **БҰЙЫРАМЫН:**

1. «Жоғары білім берудің кәсіптік оқу бағдарламаларын іске асыратын Қазақстан Республикасы Ішкі істер министрлігінің білім беру ұйымдарына оқуға қабылдау ережесін бекіту туралы» Қазақстан Республикасы Ішкі істер Министрінің 2011 жылғы 26 сәуірдегі № 186 бұйрығына (Нормативтік құқықтық актілерді мемлекеттік тіркеу тізілімінде № 6977 болып тіркелген, «Егемен Қазақстан» газетінің 2011 жылғы 11 маусымдағы № 247-248 (26646) санында жарияланған) мынадай өзгерістер мен толықтырулар енгізілсін:

тақырыбы мынадай редакцияда жазылсын, орыс тіліндегі мәтін өзгермейді:

«Жоғары білім берудің кәсіптік оқу бағдарламаларын іске асыратын Қазақстан Республикасы Ішкі істер министрлігінің білім беру ұйымдарына оқуға қабылдау қағидаларын бекіту туралы»;

1-тармақ мынадай редакцияда жазылсын, орыс тіліндегі мәтін өзгермейді:

«1. Қоса беріліп отырған Жоғары білім берудің кәсіптік оқу бағдарламаларын іске асыратын Қазақстан Республикасы Ішкі істер министрлігінің білім беру ұйымдарына қабылдау қағидалары бекітілсін.»;

көрсетілген бұйрықпен бекітілген Жоғары білім берудің кәсіптік оқу бағдарламаларын іске асыратын Қазақстан Республикасы Ішкі істер министрлігінің білім беру ұйымдарына оқуға қабылдау ережесінде:

тақырыбы мынадай редакцияда жазылсын, орыс тіліндегі мәтін өзгермейді:

«Жоғары білім берудің кәсіптік оқу бағдарламаларын іске асыратын

Қазақстан Республикасы Ішкі істер министрлігінің білім беру ұйымдарына оқуға қабылдау қағидалары» ;

1-тармақ мынадай редакцияда жазылсын, орыс тіліндегі мәтін өзгермейді:

«1. Осы Қағидалар Қазақстан Республикасының «Құқық қорғау қызметі туралы», «Білім туралы» заңдарына, Қазақстан Республикасы Үкіметінің 2012 жылғы 19 қаңтардағы № 111 қаулысымен бекітілген Жоғары білім берудің кәсіптік оқу бағдарламаларын іске асыратын білім беру ұйымдарына оқуға қабылдаудың үлгі қағидаларына (бұдан әрі – Үлгі қағидалар) сәйкес әзірленді.»;

2, 3, 4-тармақтар мынадай редакцияда жазылсын:

«2. Осы Қағидалар Қазақстан Республикасы Ұлттық ұланының әскери оқу орындарын қоспағанда, Қазақстан Республикасы Ішкі істер министрлігінің (бұдан әрі – ПМ) жоғары оқу орындарына оқуға қабылдау тәртібін реттейді.»;

3. ПМ жоғары оқу орындарына оқуға қабылдау тәртібі қабылдауды ұйымдастыруды, талапкерлерді медициналық, дене және психофизиологиялық көрсеткіштері бойынша іріктеуді, ПМ жоғары оқу орындарының курсанттар қатарына қабылдауды құрайды.

4. ПМ жоғары оқу орындарына күндізгі оқыту нысаны бойынша орта білімі бар, он алты жасқа толған, ішкі істер органдарының қызметкерлеріне қойылатын талаптарға жауап беретін, денсаулығы бойынша әскери қызметке және оқуға жарамды Қазақстан Республикасының азаматтары қабылданады.

ПМ жоғары оқу орындарына қысқартылған мерзімге оқуға 25 жасқа толмаған, «Құқық» мамандықтар тобы бойынша жоғары білімі бар тұлғалардан басқа, жоғары білімі бар Қазақстан Республикасының азаматтары қабылданады.»;

5-тармақ мынадай редакцияда жазылсын, орыс тіліндегі мәтін өзгермейді:

«5. ПМ жоғары оқу орындары осы Қағидаларға 1-қосымшада көрсетілген мамандықтар тізбесіне сәйкес мамандықтар бойынша кадрлар даярлауды жүзеге асырады.» ;

6-тармақтың бірінші бөлігі мынадай редакцияда жазылсын:

«6. ПМ-нің жоғары оқу орындарына оқуға түсуге ниет білдірген азаматтар тұрғылықты жері бойынша аумақтық ішкі істер департаменттерінің, Көліктегі ішкі істер департаментінің, қылмыстық-атқару жүйесі департаменттерінің, төтенше жағдайлар департаменттерінің (бұдан әрі – ПД, КПД, ҚАЖД, ТЖД) кадр жұмысы бөліністеріне өтініш (еркін нысанда) береді.»;

9, 10, 11-тармақтар мынадай редакцияда жазылсын:

«9. Оқуға үміткерлер қызметке жарамдылығын анықтау үшін міндетті түрде әскери-дәрігерлік комиссияларда медициналық және психофизиологиялық куәландырудан, оның ішінде полиграфологиялық зерттеуден, сондай-ақ міндетті арнайы тексеруден өтеді.

10. Аумақтық ПД, КПД, ҚАЖД, ТЖД кадр жұмысы бөліністері

талапкерлердің қалыптастырылған жеке істерін оқуға түсу жылының 20 маусымына дейін ПМ-нің жоғары оқу орындарына жолдайды.

11. ПМ Кадр жұмысы департаменті ІД, КІД, ҚАЖД, ТЖД кадр жұмысы бөліністері арқылы ПМ-нің жоғары оқу орындарына оқуға қабылдау мерзімі туралы талапкерлерге хабарлайды.»;

12-тармақтың бірінші бөлігі мынадай редакцияда жазылсын:

«12. ПМ жоғары оқу орындарының сырттай оқыту нысаны бойынша орта, орта білімнен кейінгі, жоғары білімі бар ішкі істер органдарының қызметкерлері және Қазақстан Республикасы Ұлттық ұланының әскери қызметшілері қабылданады.»;

14-тармақтың екінші бөлігі мынадай редакцияда жазылсын:

«Қабылдау комиссиясының құрамы жоғары оқу орны бастығының бұйрығымен бекітіледі және басшы құрамының адамдары, сондай-ақ жоғары оқу орындарының өзге де қызметкерлері және ПМ, ІД, КІД, ҚАЖД, ТЖД өкілдері қатарынан қалыптастырылады.»;

15 - тармақта :

бірінші бөлік мынадай редакцияда жазылсын:

«15. Қабылдау комиссиясы осы Қағидаларды басшылыққа ала отырып, жоғары оқу орнын курсанттармен сапалы жасақталуды қамтамасыз етуге бағытталған.»;

4) тармақша мынадай редакцияда жазылсын:

«4) конкурстық тізімдерді және комиссияның талапкерлерді курсанттар қатарына тіркеу туралы хаттамасын дайындайды;»;

б) тармақша мынадай редакцияда жазылсын:

«б) талапкерлерді медициналық, дене және психофизиологиялық көрсеткіштері бойынша іріктеу қорытындылары бойынша және бірыңғай ұлттық тестілеу (бұдан әрі – ҰБТ) немесе кешенді тестілеу қорытындылары бойынша сертификаттар балдарына сәйкес талапкерлерді курсанттар қатарына қабылдау туралы шешім қабылдайды;»;

мынадай мазмұндағы 18-1-тармақпен толықтырылсын:

«18-1. ПМ жоғары оқу орындарына қысқартылған мерзімге оқуға үміткерлермен медициналық куәландырудан, дене шынықтыру даярлығын және ішкі істер органдары қызметін регламенттейтін нормативтік құқықтық актілерді білуін тексеруден тұратын кәсіптік іріктеу жүргізіледі.

Нормативтік құқықтық актілерді білуін тексеру әңгімелесу нысанында өткізіледі.»;

21-тармақтың бірінші бөлігі мынадай редакцияда жазылсын, орыс тіліндегі мәтін өзгермейді:

«21. Талапкерлерді дене бітімі көрсеткіштері бойынша іріктеу және дене

шынықтыру жаттығуларын орындау нәтижелерін бағалау осы Қағидаларға 2-қосымшаға сәйкес ПМ жоғары оқу орындарына түсушілерге арналған дене шынықтыру даярлығы бойынша нормативтерге (бұдан әрі – дене шынықтыру даярлығы нормативтері) сәйкес жүргізіледі.»;

25-тармақ мынадай редакцияда жазылсын, орыс тіліндегі мәтін өзгермейді:

«25. Дене шынықтыру нормативтерін тапсыру алдында талапкерлердің дене шынықтыру дайындығын тексеру жөніндегі комиссия мүшелері талапкерлерді қауіпсіздік техникасымен қол қойғыза отырып, таныстырады.»;

36-тармақ мынадай редакцияда жазылсын:

«36. ҰБТ немесе кешенді тестілеу нәтижелері бойынша ПМ жоғары оқу орындарының курсанттары қатарына қабылдау бойынша конкурсқа қатысу үшін қажетті балдардың саны Қазақстан Республикасы Үкіметінің 2008 жылғы 23 қаңтардағы № 58 қаулысымен бекітілген Жоғары білім алуға ақы төлеу үшін білім беру грантын беру ережесінде белгіленеді.»;

мынадай мазмұндағы 36-1-тармақпен толықтырылсын:

«36-1. Жоғары оқу орындарына қысқартылған мерзімге оқуға қабылдау кәсіптік іріктеу нәтижелері бойынша конкурс бойынша жүргізіледі.»;

37-тармақтың бірінші бөлігі мынадай редакцияда жазылсын:

«37. Мемлекеттік білім беру тапсырысының негізінде ПМ жоғары оқу орындарының курсанттары қатарына қабылдау конкурсын өткізу кезінде.»;

39-тармақтың жетінші бөлігі мынадай редакцияда жазылсын:

«Осы Қағидаларға сәйкес жеңілдікпен қабылдану құқығын пайдаланатын адамдар растайтын құжаттар ұсынады.»;

40, 41, 42-тармақтар мынадай редакцияда жазылсын:

«40. Қабылдау комиссиясының оқуға қабылдау туралы шешімі ПМ жоғары оқу орны бастығының бұйрығымен ресімделеді. Бұйрықтан үзінді жұмыстан қол үзіп оқуға қабылданған тұлғаларды оқуға іссапарға жіберуге негіз болып т а б ы л а д ы .

41. Курсанттар қатарына қабылданбаған ішкі істер органдарының қызметкерлері және Қазақстан Республикасы Ұлттық ұланның әскери қызметшілері қатарынан талапкерлер ішкі істер органдарының, Қазақстан Республикасы Ұлттық ұланның әскери бөлімдерінің қарамағына жіберіледі, олардың жеке істері оқуға қабылданбау себептерін көрсете отырып, қайтарылады .

42. ПМ-нің жоғары оқу орындары ПМ Кадр жұмысы департаментіне оқуға қабылдауды өткізгеннен кейін он күн мерзімде оқуға қабылдауды ұйымдастыру және өткізу бойынша қорытынды есепті, сондай-ақ курсанттарды оқуға қабылдау туралы бұйрықтардың көшірмелерін ұсынады.»;

43-тармақ мынадай редакцияда жазылсын, орыс тіліндегі мәтін өзгермейді:

«43. Осы Қағидалармен реттелмеген мәселелерді қабылдау комиссиялары қолданыстағы заңнамаға сәйкес шешеді.»;

1-қосымша осы бұйрыққа 1-қосымшаға сәйкес редакцияда жазылсын;

2-қосымша осы бұйрыққа 2-қосымшаға сәйкес редакцияда жазылсын.

2. Қазақстан Республикасы Ішкі істер министрлігінің Кадр жұмысы департаменті (А.Ү. Әбдіғалиев):

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрықты мемлекеттік тіркелгеннен кейін күнтізбелік он күн ішінде мерзімді баспа басылымдарында және «Әділет» ақпараттық-құқықтық жүйесінде ресми жариялауға жолдауды;

3) осы бұйрықты Қазақстан Республикасы Ішкі істер министрлігінің интернет-ресурсында орналастыруды қамтамасыз етсін.

3. Мыналардың:

1) «Қазақстан Республикасы Төтенше жағдайлар министрлігінің Көкшетау техникалық институты» республикалық мемлекеттік мекемесіне азаматтарды қабылдау қағидасын бекіту жөнінде» Қазақстан Республикасы Төтенше жағдайлар министрінің 2012 жылғы 23 тамыздағы № 370 бұйрығының (Нормативтік құқықтық актілердің мемлекеттік тізілімінде № 7970 тіркелген, «Егемен Қазақстан» газетінің 2012 жылғы 8 желтоқсандағы № 809-814 (27885) санында жарияланған);

2) «Қазақстан Республикасы Төтенше жағдайлар министрлігінің Көкшетау техникалық институты» мемлекеттік мекемесіне азаматтарды қабылдау қағидасын бекіту туралы» Қазақстан Республикасы Төтенше жағдайлар министрінің 2012 жылғы 23 тамыздағы № 370 бұйрығына өзгерістер енгізу туралы» Қазақстан Республикасы Төтенше жағдайлар министрінің 2014 жылғы 3 наурыздағы № 80 бұйрығының (Нормативтік құқықтық актілердің мемлекеттік тізілімінде № 9321 тіркелген, Қазақстан Республикасы нормативтік құқықтық актілерінің «Әділет» ақпараттық-құқықтық жүйесінде 2014 жылғы 12 мамырда, «Егемен Қазақстан» газетінің 2014 жылғы 28 маусымдағы № 126 (28350) санында жарияланған) күші жойылды деп танылсын.

4. Осы бұйрықтың орындалуын бақылау Қазақстан Республикасы Ішкі істер министрінің бірінші орынбасары полиция генерал-майоры М.Ғ. Демеуовке және Қазақстан Республикасы Ішкі істер министрлігінің Кадр жұмысы департаментіне (А.Ү. Әбдіғалиев) жүктелсін.

5. Осы бұйрық алғашқы ресми жарияланған күнінен кейін күнтізбелік он күн өткеннен соң қолданысқа енгізіледі.

М и н и с т р

полиция генерал-лейтенанты

Қ. Қасымов

« К Е Л І С І Л Д І »
 Қазақстан Республикасының
 Білім және ғылым министрі
 ----- А. Сәрінжіпов

2015 жылғы 20 наурыз

Қазақстан Республикасы
 Ішкі істер министрінің
 2015 жылғы 12 наурыздағы
 № 211 бұйрығына

1-қосымша

Жоғары білім берудің кәсіптік
 оқу бағдарламаларын іске асыратын
 Қазақстан Республикасы Ішкі істер
 министрлігінің білім беру
 ұйымдарына оқуға қабылдау
 қағидаларына 1-қосымша

Мамандықтар тізбесі

Бакалавриат мамандығы	Пәндер тізбесі	Оқыту мерзімі	Бейінді пән
5 В 0 3 0 3 0 0 Құқық қорғау қызметі	1) қазақ тілі немесе орыс тілі (оқыту тілі); 2) Қазақстан тарихы; 3) математика; 4) таңдау бойынша пән – дүниежүзі тарих.	4 жыл	Дүниежүзі тарихы
5 В 0 1 0 3 0 0 Педагогика және психология	1) қазақ тілі немесе орыс тілі (оқыту тілі); 2) Қазақстан тарихы; 3) математика; 4) таңдау бойынша пән – биология.	4 жыл	Биология
5 В 0 9 0 5 0 0 Әлеуметтік жұмыс	1) қазақ тілі немесе орыс тілі (оқыту тілі); 2) Қазақстан тарихы; 3) математика; 4) таңдау бойынша пән – география	4 жыл	География
5 В 0 7 0 3 0 0 Ақпараттық жүйелер	1) қазақ тілі немесе орыс тілі (оқыту тілі); 2) Қазақстан тарихы; 3) математика; 4) таңдау бойынша пән – физика	4 жыл	Математика
	1) қазақ тілі немесе орыс тілі (оқыту тілі);		

5 В 0 7 1 9 0 0 Радиотехника, электроника және телекоммуникация	2) Қазақстан тарихы; 3) математика; 4) таңдау бойынша пән – физика	4 жыл	Математика
5 В 1 0 0 1 0 0 Өрт қауіпсіздігі	1) қазақ тілі немесе орыс тілі (оқыту тілі); 2) Қазақстан тарихы; 3) математика; 4) таңдау бойынша пән – физика	4 жыл	Математика
5 В 1 0 3 1 0 0 Төтенше жағдайлардан қорғау	1) қазақ тілі немесе орыс тілі (оқыту тілі); 2) Қазақстан тарихы; 3) математика; 4) таңдау бойынша пән – физика	4 жыл	Математика
5 В 1 0 3 2 0 0 Азаматтық қорғаныс күшінің командалық тактикалық	1) қазақ тілі немесе орыс тілі (оқыту тілі); 2) Қазақстан тарихы; 3) математика; 4) таңдау бойынша пән – физика	4 жыл	Математика

Қазақстан Республикасы
Ішкі істер министрінің
2015 жылғы 12 наурыздағы
№ 211 бұйрығына

2-қосымша

Жоғары білім берудің кәсіптік
оқу бағдарламаларын іске асыратын
Қазақстан Республикасы Ішкі істер
министрлігінің білім беру
ұйымдарына оқуға қабылдау
қағидаларына 2-қосымша

ІІМ жоғары оқу орындарына түсушілерге арналған дене шынықтыру даярлығы бойынша нормативтер

Жігіттер үшін

№	Тест атауы	Баға		
		өте жақсы	жақсы	қанағаттанарлықсыз
1.	100 метрге жүгіру (сек.)	13,2	13,7	14,2
2.	3000 метрге жүгіру (мин/сек.)	12,30	13,0	14,0
3.	Тартылу (тартылу саны)	13	11	9

Қыздар үшін

		Баға

№	Тест атауы	өте жақсы	жақсы	қанағаттанарлықсыз
1.	100 метрге жүгіру (сек.)	16,0	16,5	17,0
2.	1000 метрге жүгіру (мин/сек.)	4,40	5,0	5,2
3.	Кешенді күштік жаттығу 1 минут ішінде (шалқадан жатып кеудені көтеру, қолбасы иыққа қойылады (30 сек.); қолды жатып тіреніп бұғу және жазу (30 сек.) (көтеру саны)	34	30	26

Е с к е р т п е :

1. Егер талапкер жаттығулардың біреуінен «қанағаттанарлықсыз» деген баға алып, қалғандарынан «жақсы» деген баға алса, ІІМ жоғары оқу орындарына түсушілер үшін, техникалық мамандықтарға түсушілерді қоспағанда, дене шынықтыру нормативтері тапсырылды деп есептеледі.

Мысалы: Тартылу - «жақсы», 100 метрге жүгіру - «жақсы», 3000 метрге жүгіру - «қанағаттанарлықсыз» - дене шынықтыру даярлығы бойынша н о р м а т и в т е р т а п с ы р ы л д ы .

Тартылу - «өте жақсы», 100 метрге жүгіру - «қанағаттанарлық», 3000 метрге жүгіру «қанағаттанарлықсыз» - нормативтер тапсырылған жоқ.

2. Егер талапкер жаттығулардың біреуінен «қанағаттанарлықсыз» деген баға алса ІІМ жоғары оқу орындарының техникалық мамандықтарына түсушілері үшін дене шынықтыру даярлығы бойынша нормативтер тапсырылды деп е с е п т е л е д і .

Мысалы: Тартылу - «қанағаттанарлық», 100 метрге жүгіру - «қанағаттанарлық», 3000 метрге жүгіру - «қанағаттанарлықсыз» - дене шынықтыру даярлығы бойынша нормативтер тапсырылды.